



## SAKSFRAMLEGG

---

Sakshandsamar: Kristine Dale

Arkivsak: 2018/1708

Løpenr.: 165/2019

---

Utvaksaksnr.	Utval	Møtedato
19/9	Ulstein formannskap	15.01.2019
19/25	Ulstein formannskap	12.02.2019

---

### **FORSLAG TIL NY HANDLINGSDEL TIL KLIMAPLANEN, OG NY TILTAKSPLAN MOT PLAST- OG MARIN FORUREINING**

#### **Saka gjeld:**

Ei arbeidsgruppe, nedsett av planforum i november 2018, fekk i oppgåve å revidere handlingsdelen til klimaplanen for Ulstein kommune, samt å utarbeide eit forslag til ein tiltaksplan mot plast- og marin forureining. Arbeidsgruppa har oppdatert eksisterande handlingsplan med ny status pr. januar 2019, og utarbeidd eit forslag til ny handlingsplan for 2019 – 2022. I tillegg har gruppa utarbeidd forslag til tiltaksplan mot plast- og marin forureining jf. framdriftsplanen. Handlingsplanen og tiltaksplanen kan no leggast ut på høyring med sikte på kommunestyrevedtak i mars eller april.

#### **Vedtak i Ulstein formannskap 12.02.2019:**

Formannskapet ber administrasjonen legge forslag til handlingsplan for 2019 - 2022, samt forslag til ny tiltaksplan mot plast- og marin forureining 2019 – 2022 ut på høyring med følgende endring:

I utkastet til tiltaksplan vert setninga «Forby utslepp av mikroplast frå verft, småbåthamner og bade plassar» endra til «Hindre utslepp av mikroplast frå verft, småbåthamner og bade plassar».

**Handsaming:**

**Tilråding frå rådmannen:**

Formannskapet ber administrasjonen legge forslag til handlingsplan for 2019 - 2022, samt forslag til ny tiltaksplan mot plast- og marin forureining 2019 – 2022 ut på høyring.

**Framlegg frå ordføraren og Kleiven:**

Formannskapet ber administrasjonen legge forslag til handlingsplan for 2019 - 2022, samt forslag til ny tiltaksplan mot plast- og marin forureining 2019 – 2022 ut på høyring med følgende endringar:

- 1 I utkastet til tiltaksplan vert setninga «Forby utslepp av mikroplast frå verft, småbåthamner og badeplassar» endra til «Hindre utslepp av mikroplast frå verft, småbåthamner og badeplassar».
- 2 Innføring av forbod mot privat fyrverkeri vert teke ut.

**Røysting:**

Første avsnittet i framlegget frå ordføraren og Kleiven vart vedteke med 7 mot 0 røyster.

Endringsforslag 1 i framlegget frå ordføraren og Kleiven vart vedteke med 5 mot 2 røyster.

Endringsforslag 2 i framlegget frå ordføraren og Kleiven fekk 2 røyster og fall.

Rådmannen si tilråding fekk 0 røyster og fall.

**Vedtak i Ulstein formannskap 15.01.2019:**

Saka vart trekt frå sakskartet på grunn av tidsmangel. Ho vert sett opp til det neste møtet i formannskapet.

**Tilråding frå rådmannen:**

Formannskapet ber administrasjonen legge forslag til handlingsplan for 2019 - 2022, samt forslag til ny tiltaksplan mot plast- og marin forureining 2019 – 2022 ut på høyring.

**Saksfakta:**

Ei arbeidsgruppe, nedsett av planforum i november 2018, fekk i oppgåve å revidere handlingsdelen til klimaplanen for Ulstein kommune, samt å utarbeide eit forslag til ein tiltaksplan mot plast- og marin forureining.

Regjeringa har uttalt at:

*«En av de største miljøutfordringene samfunnet står ovenfor er forsøpling av havet, og omfanget øker. Marin forsøpling og spredning av mikroplast i havet har negativ påverknad på marine økosystem, naturmangfold og bærekraftig utvikling. Plastavfall følger havstrømmene, på tvers av landegrenser og er et globalt problem som krev internasjonale løsnings.»*

*Alle samfunnssektorer har i utgangspunktet et ansvar for å forhindre utslepp av plastavfall fra sine sektorområder. Miljøforvaltninga har et særlig myndighetsansvar for marin forsøpling på alle forvaltningsnivå.»*

*Miljødirektoratet*

Ulstein kommune har eit slikt myndeansvar. Når også Ulstein er ei kystkommune, er det viktig at tek denne rolla, er vårt ansvar bevisst og forvaltar våre lokale ressursar med lokale ordningar som hindrar plast- og marin forureining så langt som mogleg.

Arbeidsgruppa er samansett av følgjande personar:

- Kristine Dale, folkehelsekoordinator – leiar for gruppa
- Arild Støylen, ingeniør byggesak/miljøvern
- Einar Heimdal frå SSR

Cecilie Roppen, planleggar, har også vore med på møta som ressurs og for å knyte arbeidet til kommunens øvrige plansystem.

Arbeidsgruppa har no gått igjennom handlingsdelen til klimaplanen, og prioritert tiltak basert på kost/nytte-vurderingar med ein realistisk tidsplan og ansvarlege for gjennomføring.

Arbeidsgruppa har i tillegg utarbeidd eit forslag til ein eigen tiltaksplan mot plast- og marin forureining. Vedtekne tilsvarande tiltaksplanar frå andre kommunar har blitt nytta som inspirasjon.

Arbeidsgruppa hadde først eit oppstartsmøte, og starta deretter arbeidet med å gå gjennom handlingsplanen til klimaplanen for å få oversikt over status for dei ulike tiltaka. Statusfeltet er difor oppdatert, medan resterande kolonnar/tekst står som før. Vi har lagt til ei ny kolonne der vi har vurdert kvart enkelt tiltak som *ikkje prioritert vidare, låg, middels* eller *høg* prioritering. Vidare utarbeidde vi ein ny handlingsplan, der vi la til alle tiltak frå eksisterande plan som vi har gjeve middels eller høg prioritet. I tillegg har vi lagt til nokre føreslåtte nye tiltak i ein eigen tabell til slutt. Arbeidsgruppa ynskjer meir konkrete tiltak enn det som ligg i den gjeldande planen.

**Vurderingar og konklusjon:**

Fleire nasjonale ordningar, innskjerpingar og lovverk er på gang, men dette er omfattande prosessar som tek tid.

Denne tiltaksplanen vil naturlegvis ha fokus på lokale tiltak basert på dagens ordningar og regelverk, og kan difor i stor grad iverksettast raskt. Intensjonen er at dette skal medverke til at Ulsteinsamfunnet bidrar i arbeidet med å minimere plastavfall på avvege og redusere den globale marine forsøplinga.

Arbeidsgruppa starta arbeidet i november 2018 og forslaga til ny handlingsplan for klimaplanen og tiltaksplan mot plast- og marin forureining bør difor kompletterast.

Ei utfordring med planar er å gjere dei kjende og lett tilgjengelege for sakshandsamarar og andre aktørar, med føremål å følgje opp dei føreslåtte tiltaka. Dette må difor sikrast ved å spesifisere kven dei ansvarlege for oppfølginga av tiltaka skal vere.

Handlingsplanen og tiltaksplanen kan no leggest ut på høyring med sikte på kommunestyrevedtak i mars eller april.

Folkehelse- og miljøkonsekvensar: Positivt.

Økonomiske konsekvensar: Usikkert.

Beredskapsmessige konsekvensar: Ingen.

Vedlegg:

- 1 Handlingsplan 2019 - 2022, klimaplan
- 2 Handlingsplan 2011 - 2014, klimaplan - med statusoppdatering
- 3 Tiltaksplan mot plast- og marin forsøpling 2019 - 2022

Einar Vik Arset  
rådmann

Kristine Dale  
Folkehelsekoordinator

*Dokumentet er elektronisk godkjent og har ingen signatur.*